

平度志要

人物

地
1401.33
139
29

~~地~~
~~12493~~
139

人物

漢

即墨成以易至城陽相

費直字長翁東萊人也治易為郎至單父令長於卦筮亡章句徒以彖象繫辭十篇文言解說上下經琅邪王璜平仲能傳之崔廷槐膠東二賢考膠東二賢費氏庸生也費傳易庸傳書天下學士至今誦習之費氏名直漢東萊平度縣人廷槐必有所據且自有明已祠鄉賢舊志載前志削今復

趙

程安壽程安姓壽名韋逞母宋氏不知何郡人家世以儒學稱其父授以周官音義屬天下喪亂宋氏諷誦不輟石虎徙之於山東宋氏與夫推鹿車背負父所授書依膠東富人程安壽壽養護之逞時年少宋氏晝則樵採夜則教逞績無廢事壽每歎曰學家多士大夫得無是乎

宋

蔡鄰綰子隱居邱園以墳索為樂舊志載前志削今復
蔡夢臣鄰子博通經史尤長於詩宗族鄉黨咸稱孝友人無閒言
舊志載前志削今復

明

劉成其先世雲南烏撒衛人明太祖起兵成往歸之屢從征伐有



功封伯爵賜成御容一軸洪武二十八年二月六日賜成御券御帖始家於金錢山之西世襲操備屬軍籍萬厯間降為隊長馬軍改民籍其後仍屬軍籍

彭壽歲貢洪武中河南林縣知縣慈祥豈弟撫民有方以秩滿歸林人思之崇祀名宦見林縣志前志選舉林作臨誤

毛宗魯字師曾由進士任監察御史解組居家訓誨諸生多所成就尤工詩文人推重之有葵軒稿舊志載前志削今復

宋裕字文饒其先鳳陽人始祖曰宋三公者洪武初來尹膠水坐失牒免官乃占籍為膠水縣人曾祖世明祖進父欽早卒裕穎異秀發卓立不羣郡守馮泰見而奇之舉為郡學生宏治乙卯貢太

學正德辛未被選為南京南城兵馬指揮司時皇戚沈氏某侯方盛強貸民田薄其直民奏訴下南臺南臺以下諸兵馬諸兵馬弗敢問裕問之卒還民田侯家當以罪遣者十數輩侯將率家僮要裕於路諸兵馬皆為裕懼裕處之裕如也卒不敢發母卒裕蔬粥終喪服闋改南京東城兵馬司一如在南城時而操持愈堅踐履愈熟凡諸兵馬司稱平治者曰東城云秩滿上其績賜勅晉階承德郎贈父欽如裕官還復視事宸濠亂江西南畿居密邇又根本形勝地中外洶洶恐奸細竊發於不意裕及諸兵馬家緝戶諦蒞事唯謹卒之事不敗而民亦不擾裕氣體素弱遂為寒暑憂勞所傷竟以不起

韓邦甯字宗堯曾祖郁祖翼父伸世為平度州人伸娶涿州訓導
劉宣女於涿踰歲劉夢有以緗帙笏墨綵筆遺之者覺而邦甯生
劉大奇異之曰兒其以文名乎已而劉卒伸繼涿鹿衛李氏其父
衛千戶也愛育邦甯視劉有加既乃攜之以東從里塾師授章句
日記千餘言補學官弟子習尚書讀書山川壇杜門謝客自作炊
爨甚苦又聞高密教諭歸德張錦講陳氏禮記有名即徒步挾策
從之盡得其要領嘉靖乙酉貢太學丁繼母憂畢復上太學卒業
天子方向文學崇雅黜浮嚴師儒之選詔試諸貢士於廷邦甯經
義八等除濬縣訓導濬王畿劇邑而先賢子貢之鄉也諸生蓋彬
彬焉環列而聽講說陳氏禮記無弗懽然敬服者又署長垣滑縣
二邑教諭二邑之士又環列而聽亦無弗懽然敬服者蓋自是濬
及二邑以禮經著畿內實邦甯發之也丙申擢靈邱縣教諭靈邱
僻在邊徼生徒多廢不學邦甯惻然曰文教未敷爾豈其地則然
耶亟闢學舍飭教規遴諸生及凡民之秀者羣聚而教之以故靈
邱士無弗勸於學而又多學陳氏禮記者文風禮俗方駸駸然與
之化而邦甯不幸病病不起矣靈邱令來弔祭為位而哭曰天乎
天乎何奪我教諭公之速耶蓋邦甯至是有遺愛焉

崔燭字盤龍前志桓子萬厯三十二年任河南封邱縣知縣資性
明達政尚簡靜見封邱縣志前志遺

尚士能明化治聞人其父福忠卒葬矣時久不雨或號於衆曰士

能所葬者旱魃也掘而鞭之天必雨衆惑而從之士能急奔墓側衆至士能出椎擊渠魁腦迸溢而自首於州曰士能所殺者旱魃也三日不雨士能請死之須臾大雨盆傾四境霑足獄頓解

何復字見元曲郭莊人也少應童子試學道奇其才補州學生崇禎七年進士知嵩縣時流寇擾河南所過殘破復至嵩獨為完區他邑聞而歸者相屬於道大吏不遣一旅以為嵩援復露處城上激厲人心招在籍知縣吳道周副榜傳於仁諸生劉月江劉自証王元錫王永錫王天錫孫承宗洪覲揚王懋忠李錫允統義兵使月江守屏鳳寨與城相犄角賊不敢逼道周等分出破賊自証陣亡母康氏妻李氏俱殉張獻忠壓境義兵分擊之獻忠潰追至蠻峪嶺伏發元錫射數十賊盡殪矢盡短兵戰益猛賊運矛刺之元錫創甚猶殺一梟將而死復素衣哭之嵩師益奮獻忠再至復出勦被圍數重縣胥任五教陷堅入翼復出殿後力戰死復以聞當是時賊所至無忌惟畏嵩魏如友者李自成頭目也善射多智帥勁旅五百棄甲兵肉袒投城下曰從賊非得已也今見公仁勇願乞命為向導復察其誠且可用納之自是益知賊虛實戰無不克生擒賊驍將九條龍坐地虎磔之獻忠自成憤甚而不敢犯不入境者二年復方集流亡恤創痍而奄人方某聞嵩平開礦虐百姓復叱之大吏承奄意劾復謫戍嵩民皆痛哭奄亦遁自成聞復去自洛來攻如友射殺賊甚衆自成招如友曰何知縣已去汝為誰

守如友不應及城陷道周等皆殉執如友見自成大罵不屈自成怒碎其骸時諸寨相繼破而屏鳳屹然重鎮人皆依之渠賊余大忠悉衆薄寨攻甚銳月江相機力禦賊不能克賊偵寨無井斷其汲道寨中殺牛馬喋其血盡自接溺飲之堅守二十日守陴者不能起乃陷賊執月江斷手截耳鼻月江罵不絕賊怒割肉納口中月江唾且罵曰此可以見我何公矣賊盡殺月江家人乃斷其首傳於仁及寨中老弱無一屈者皆殉其忠義之感人也如此廷臣交章薦起知英山縣內遷工部主事懷宗知復才召見平臺溫諭久之曰保定朕馮翊也惟爾往守之時賊已踰甯武關矣同朝惜其去曰可以毋往在部亦為君守復曰君命不可違保定復死所也且焉知不能謀勤王之師乎攜一僕出彰義門寇塞路潰圍抵城下舉詔書示同知邵宗元入至明倫堂集諸生講見危授命一章皆感泣遂守西城時大學士李建泰受自成偽職為間諜自西返清苑紳張羅彥納之復親執巨礮轟賊城陷被執怒目曰我知府也有死而已賊義之棄去復題壁曰明臣何復死難處不食而死我

朝乾隆間

贈太常寺卿

賜謚忠烈

勅保定府建祠春秋致祭嵩縣志備錄之明史未采惜未見英山志及官

工部事知善政尚多湮沒也

馬步雲字凌虛由州學生入國學任上林苑良牧署丞崇禎壬申之變後毀家修城子應乾增生應坤監生孫斯臧斯才斯作俱貢生曾孫宏烈康熙乙未歲貢德平縣訓導

國朝

曾聞允

宗聖曾子六十四世孫為曾氏自武城始遷平度之祖六十九世孫毓秀監生七十世孫傳薪監生居城內察院街其分支居城南

曾家邱

萬進忠

先賢萬子章六十世孫為萬氏自鄒始遷平度之祖六十五世孫世馨康熙戊辰進士江西德化縣知縣世安癸酉舉人世尚廩生伯仲皆以科名顯世尚隱居不仕怡情豪素與膠州法若真齊名馬宏澤靜默簡重生平無忤色年逾百歲舉止若壯時稱人瑞馬碩德字恢甫州學生乾隆間以文廟久未修葺獨竭財力無少推諉累年而後成時皆賢之

潘忻康熙間人居西門外橋北草市家小康門外舍茶飲鄉人入市賣薪者歲以為常北十里鋪膠高即墨入府通衢也山水西流注秦王河大雨時行恆阻往來忻築橋以通行人歲饑自煮粥以食餓者登萊青兵備道熊某表其門曰善行可嘉

楊堯臣楊家園人也幼貧父使牧牛過膠河西岸至昌邑界縻牛林中則入村塾聽塾師弟子講讀入耳輒解一日師步塾門外聞書聲朗朗然見童子端坐樹陰中昂首背誦音節和諧問居何所對曰楊家園師為誰曰未學何以誦無誤曰日聽先生講也師大驚則騎其牛渡河告其父使從己學弱冠成進士官雲南時解銅赴都舟行銅沈江中泅者索直昂堯臣自投江衆皆大號須臾見挾數百斤銅躍登舟則又皆大驚輒又下又上如拾芥者然泅者跪而請曰公神人也小人等不敢索公直乃盡投江取銅上閱其數視所亡者乃倍萬蓋前解銅者沈此莫能獲堯臣乃盡取以行也

王禮瑚居城西關家貧賣餅一日黎明見門外委大皮囊提之纍纍然知為朱提也乃藏之真武廟中既而見一人牽馬自西來汗喘奔店中問傭保曰予行時遺皮囊否答以鞞馬上矣其人皇皇然禮瑚導至廟中出囊與之其人喜而謝曰我長山周村布肆傭也自海上索債反時宿於此雞鳴起行道旁有燬鐵者馬驚而逸及追得馬四百銀囊失矣不遇長者吾何以歸遂詳問禮瑚姓名居止而去不數日挾布帛來禮瑚受布反帛其人曰肆主有言是戔戔者非謝君也聘君入肆也禮瑚辭曰我不解貿易賣餅可免饑寒他無能也其人曰我自周村至東海往來販賣二千餘里歲不過四五行君西至樂安邸舍為肆管東道事則省我往返之勞

懋遷又速且贏也如其言隨而去每至樂安其人必在交易而退居數年累鉅萬矣後又至樂安不見其人待之久不至乃載貨至周村徧問無知者不得已擁貨而歸為素封矣

李調元字贊化州門西人也善事親樂以孝友勸人客至具午餐市惟有黃瓜魚數尾盡買以歸而西關孫緯之母嗜之及適市則無矣既而聞叩門甚急見調元攜魚至曰君買魚以奉親也我買魚以供客也以我與客之故而使君缺甘旨焉不可也時謂孝子不匱永錫爾類載山左懿行記略

李元勳字揆輔州學生精書法常曰心正筆正惟能以正立身而後能以正事君故觀其書可以知其人雖私室必端坐賓賜麗正平成三門名皆其書也

馬元珍州學生前志遴子與萬家疇萬某善萬延之教子弟秋元珍移菊於盆根下累累皆白鋸也呼萬取之萬曰在先生菊下先生取宜也元珍曰在君畦君取宜也萬收而藏之歲暮送先生歸並載菊芽元珍日澆灌之而菊芽日萎拔而觀之則白鋸在焉諸盆皆然元珍復歸萬萬不受鄉父老勸置義田焉

李鶴齡字耐村善事親與人樂易學書以元章為宗子蟠木州學生

王銓字衡若號秦溪原名前字居先後易今名幼有至性穎悟異常兒讀書數行並下人咸器之父廷獻績學未售銓體父志以顯

揚為期益攻苦弗懈庚子舉於鄉署棲霞教諭授德平有武生戕
官廉之者知銓學行素為士林仰重特原之登乙丑進士第官直
隸赤城知縣縣近夷不知學銓建書院課士捐廉獎之每課必作
一藝親為講授期年而文風丕變有冤獄數年未雪銓行縣至野
有狂風起墓間盤旋輿前銓疑有冤抑許為昭雪風立止訪得實
一鞠而服人比閻羅包老以憂歸士民如失慈父母為焚香跪送
者數十里不絕服闋遷甘肅隆德縣為政一如治赤城時地當孔
道驛使旁午獄訟繁滋銓治煩理鉅裕如也諸憲倚為重方擬推
薦銓曰昔淵明不為五斗米折腰吾豈鬱鬱久居此乎即引疴歸
時值嘉慶辛未壬申歲荐饑解囊濟之鄉鄰賴以全活暇與父老
談農桑以文藝自娛從遊者多掇巍科昌邑張連璵馬積祿兩大
令其尤著也優游林下以壽終

李德林前志有傳同治五年崇祀鄉賢西平確山祀名宦

李文煜前志有傳同治十三年崇祀鄉賢鄉謚端慤

戴垣前志有傳光緒十三年崇祀鄉賢

戴金鼎前志有傳光緒十三年崇祀鄉賢

劉賡廷道光辛巳副榜隱居邱園不入城市肆力文章馳騁秦漢
閒子篤慶貢生

黃景醇道光壬午舉人大挑一等以知縣用請改教涖福山惠民
教諭教諸生以謙退為本土有爭者必羣相戒恐黃師知

王廷斌字均適生六七月恆呼寶寶若喚人聲越九月其叔世忠生子抱以示之即歡呼寶來寶來撫弄不舍離之則號其叔遂命子曰廷寶後亦不復呼四歲始能言幼借諸兒捕魚為戲諸兒爭烹魚廷斌曰放之既與之戲又傷其生再來魚不親我矣其祖母嘗問之曰爾何愛對曰愛讀書給之曰先生好撻人曰能讀先生必不撻遂求入塾年十七盡熟諸經初師使摹字輒問曰學書其盡於此乎師曰有臨帖法先熟帖意乃能得其神凡初學難驟語於此也廷斌曰竊見家藏帖不一類頗能憶其髣髴試先臨之可乎師領之皆逼肖師大驚後以力偏於右遂用左手且好以左右手雙管齊下嘗觀雲起滅變化遂進書法因自號曰雲籬與王珊王宗嶽戴金鼎賈大典陳敷昆仲孫雲鶚李文煜輩經義切磋無間寒暑飲量過人嘗大醉彌日不醒既而悔曰劉伶陳暄輩千古非之康成祖席三日亦足自豪何必浮游酒地然後為樂哉後未嘗踰三爵又嘗與同學戲啖淡巴菰其表兄某見而責之終身以為戒有友人借錢四百典衣與友得五百而視其百錢較長數之多二錢使童子還質庫質庫主人聞之自黃縣來謁乞書與之餽土儀不受請至黃謝不往先後官平度者咸欲納交皆避不見惟與學正邊康敷孔廣敷訓導李德修壇場倡和極文酒之娛千總裴日耀因旱禱紫荆山而雨廷斌以詩美之思寄裴既而曰儒將亦司地方事遂不寄知州方熙修龍神祠廷斌往觀熙與其僚繼

至皆曰今日得見王先生廷斌疾趨徑避共相歎異曰古之隱君子也熙思求書慮不與知州周雲鳳曰吾聞王先生之為人端方不妄交游非僻傲者流也我其試之遂倩人達意輒欣然與書以酒肉謝卻之又以筆硯紙墨來盡受之知州許棟見廷斌書示其諸子曰此大筆老先生也賈大典約入都諾之瀕行大典語人曰雲籬此行可以濟貧矣廷斌聞之曰吾豈賣字者哉乃止嘗旱甚官民祈禱靡神不宗而悉無應陳敷問於廷斌曰民暵矣若之何而可曰不禱於專司之神而妄求焉宜其不雨也敷曰請問專司之神何在曰山川風雲雷雨之神春秋祀於南郊誠齋肅而籲之當有效如其言禮未畢而雨如注敷曰吾今而知神與人近矣道光丙申館於辛望于姓于富者也言其族有出而久不歸者其母以歲饑鬻子婦錢四十緡受四緡矣婦哭不去廷斌瞿然曰是能救之否于曰值此凶年自顧之不遑遑謀他人廷斌曰我倡焉可乎其已受者吾代之償彼熒熒兩口人權作君之傭月周以三斗米足矣全節恤老憐貧睦族君一舉而四善備焉我先為君賀于從焉未踰月其夫歸室家完聚辛丑正月二十六日辰黑雲壓地晝晦城南吳家村民到城糶糧訖將歸廷斌曰天大變不如止俄而颶風撼屋雪深丈餘行者斃於路聞言而止者四十五人皆無恙有問書者則曰吾觀雲悟筆意夫書亦何常師之有某學歐某學顏某學蘇學趙皆一隅之見耳凡晉唐諸大家雖各有師承莫

不從篆隸出本此意以學書縱不足以名世然而離俗遠矣每謂其子允濟允鴻曰吾同祖兄弟十四人姊妹九人今在者惟吾與爾廷寶叔與爾姑而爾姑又老而無子家事蕭然吾雖不豐然必有吾姊之食吾始食有吾姊之衣吾始衣也吾伯兄戴出也吾曹出也昔有誤以繼母言於吾伯兄前者吾伯兄輒痛哭流涕而不食也爾曹宜誌之著學經就正一卷恆言一卷泥金帖一卷年七十三卒

陳肇字履元前志續聖子數弟嘉慶癸酉拔貢丙子丁丑聯捷進士入庶常散館授編修擢御史仕至常州府知府

焦步濂字理原蓼蘭人也弱冠為府學生歲科常冠其儕屢薦不售家居授徒事親以孝聞冲淡和平不為崖岸長於詩古文辭謝銓字汝衡受業於王廷斌之門長於經義尤精越人術求者趾錯於戶無問貧富雨夜不辭後輩有學其藝者銓曰吾儒存心經濟自能為國活人勝於藥餌遠矣年五十餘甫入成均而卒子長源廩生

崔知載字屋山幼孤母陳孺人曹縣訓導敷之妹常州知府肇之姊也內奉母教從舅氏析解經義早以文名為州學生試輒高等入成均莅陽穀德州長清學官甄拔公明士論翕服性方嚴無私謁歸里後州牧聘以課讀不預外事卒年七十七子怡善孝廉方正忠善恆善州學生

王庭芳字郁階鄒家坡人也咸豐辛酉恩貢性嗜學刻苦自勵家計贏絀概不預問閉門訓子姪終歲不出塾不至城市門徒貧者給飲食客至揖讓後即談學問鄉里有不才以忍處之無忤色久亦漸化侍親疾久無倦容忌日歔歔追往不言不笑自奉儉約不忘歎歲軍餉賑濟則慷慨恐後禦捻逆幾於毀家暮年失明雖經兵燹手不釋卷凡書冊殘缺必親裝訂使弟子誦經史衆口朗朗一誤必指易箒時命以巾箱納棺中自云讀書之腸難割斷也年七十二以長子培佶季子培佑貴仲子培俊貢生諸孫皆列庠序侯紀雲字縉傳吳莊人也幼喪母依外家以居外祖母識字知書嚴督之每自塾歸必問其所讀使背誦而後飯弱冠為州學生道光乙未舉人會試聞父訃匍匐歸喪葬盡禮善事繼母友愛弟姊妹甲辰大挑二等授霑化訓導其教諭傅某東昌人卒於署傅之家人攜硯售五百錢紀雲贈以贖反其硯異日縣丞某言獲佳硯請賞之及見則傅氏物也歸謂其子曰不能恤其孤而反利其有相交數年忍乎母憂歸遂不出辛酉捻逆至紀雲負先人木主逃竄巖谷間因團練守禦鄉里友教四方成就後學二十年足不履公門卒年六十九子燕譽廩生

崔立德歲貢生仁趙人也家貧苦學文以先正為範不涉詭道出其門者皆循循有規矩

官去惑字通皆東關人也幼穎異弱冠為州學廩生及貢太學以

年已高遂不出侍父疾七年不離側昆季間雍雍如也出重貲修試院道光間修志書采授文獻實究心焉捻逆至竭力籌軍需舉光祿寺署正咸同改元疊舉孝廉方正皆固辭額所居曰竹素園與同好觴游其中卒年七十一子晶先按察司照磨孫擢午府學廩生

孫誥字錫周監生事繼母以孝聞嘉慶辛未壬申歲荐饑出粟食餓者道光丙申又饑捐穀助賑自是歲以為常嘗有無賴子踵門侮罵扃門避之破外戶又扃內門人服其量自奉菲薄惟讀書則不惜重金延名師子孫考試必厚資以給之戚族中有無告者每時周卹蓋數十家焉

許延慶字上吉為童子時好布陣為戲曹輩數十人悉聽約束有失伍者掌批之母敢動就學麓知大義熟於兵書道光乙酉武舉朝考一等兵部差官浙江嚴州守備金華台州都司甯波處州遊擊太平參將象山副將每考軍政好整以暇矢無虛發丙午卓異第一聞在金華時沿海盜賊乘隙出沒延慶以輕舟抵賊巢手擒十三賊獻軍門自是賊聞許將軍名皆潛遁由金華至象山民知延慶官歷年俸金悉以犒師囊無餘貲沿途餽贐皆却之粵逆踞江甯巡撫黃宗漢以防堵難其人延慶慨然請行宗漢喜曰君往吾無憂矣延慶在防講諭忠義士皆感憤旋以積勞卒於江南平望鎮

宗漢以

聞賞銀二百兩廕長子世昌次子世勳州學生

石萬魁居西關小閣裏家貧溫和如書生道光二十八年入即墨營為守兵旋拔馬隊咸豐三年為武學生防堵武定調高唐攻勦粵逆奮勇復馮官屯補外委五年守海陽汎黃島八年巡撫覺羅崇恩校閱營伍萬魁年方壯健弓馬嫻熟升膠州營安邱縣汎把總兵部頒發劄付十年九月京師戒嚴萬魁自汎赴援十二月回任十一年二月二十一日捻逆擾安邱萬魁帶領兵勇同知縣陳用衡禦捻於城外力竭陣亡巡撫譚廷襄以

聞贈千總卹銀一百五十兩

救入昭忠祠子雲臺襲雲騎尉以恩騎尉世襲

李榮字次實得林子游幕河南值陳四盜決黃河之變水漫城時巡撫牛鑑以事出省垣兩司議遣人迎之莫敢往榮慷慨登舟風浪掀湧舟欲覆榮叩頭禱額盡腫忽有平流在前隨之行須臾達岸下舟需於泥沒頂若有推之上者抵行轅門者阻之榮撞而入哭告以危鑑曰子非河南官民乃舍生救百萬生靈吾愧矣吾愧矣同舟歸防越三日水退以供事授崇明縣丞捕巨盜陞知縣歷武進崑山睢甯道光戊申淮揚大水榮獨賑九十五洲民獲生粵逆踞江甯袁甲三守臨淮調榮前敵時李世忠投誠亦以提督次濠上不受甲三節制且不喜儒餉復絀諸軍皆仰之榮調和兩帥間士盡飽累保直隸州知州晉知府

特簡雲南鹽法道加二品銜以前敵不能往食半俸者二年餘雲貴總督徐之銘以規避

聞請革職發往雲南差遣奏甫入而平苗逆捷音入

授徽甯池太廣兵備道招流亡謀開墾無暇晷如是者九年方調江安糧儲道已引疾居清江浦年七十三卒

孫勤字既垣增生其先世富者也鄉里義舉知無不為勤席舊德至於貧性好書臨池興發不知家事艱難求縑素者告饑寒者跣日錯於門無不應也時稱洞山先生子培猷孫靄俱州學生靄尤繩祖武惟有居室未售同治丁卯任逆至知州海澄見其室之美而不知縣磬久矣飭修衛牆至賣其室之簪珥以應之牆成鬱鬱歿靄子廷相廩生宅相增生

孫敕勤弟監生候選州同好濟人之急與其兄同勤力有未逮敕出資助之以為樂因此家亦貧亦好書法尤工篆刻座客常滿尊酒不空時稱玉山先生子培芝光祿寺署正

于志瀛字仙洲監生工詩遊幕江蘇粵逆陷常州率勇進勦力竭陣亡

于醇儒字前峯少貧精於文道光乙巳進士歷桃源金匱清河知縣海州高郵州知州皆有政聲粵逆陷常州罵賊而死

陳榮洗字東生肇子穎敏絕人八歲作古詩長篇有奇氣幼侍母疾躬嘗藥餌恆廢寢食年十八以府試第一為州學生旋補廩生

經史而外好讀兵書體羸多病學五禽戲因精技擊以繪事自娛友人于醇儒牧高郵往訪焉周覽江淮金焦之勝文益豪時粵逆據金陵慨然謂予曰伏波橫海何許人獨無乘風破浪者乎及捻逆至境思無可與共事者欲赴府請兵為破賊計時賊騎塞路從間道往猝遇賊與鬪大罵遂遇害御史朱學篤以

聞贈鹽運司知事卹銀七十兩祀忠義祠廕長子恩繹雲騎尉孫文榴襲

恩騎尉次子恩緝廩生

孫兆萃字仲升誥子廩貢生兄兆豫歿歎曰臂今折矣吾何處聞過乎遺孤二年方穉愛如己子惟課讀則刻責不少貸及先後為州學生兆萃始欣然以為吾今乃可對吾兄於地下矣築別墅於宅東偏為講肄之所子儒卿成進士官戶部書官箴十則畀之且云戶部度支重地尤當潔己自愛使後世稱清白家風足矣勿為身家計也辛酉捻逆至衆欲逃兆萃以大義止之出重資儲軍餉備器械及采村失利弟兆坤子傑卿姪儉卿皆殉兆萃尤激厲人心防守不懈

官青田字鶴皋增生晝出而耕夜歸而讀與及門講習每至夜深不以為勞捻逆至率勇勦於采村力竭陣亡御史朱學篤以

聞贈鹽運司知事卹銀七十兩祀忠義祠廕一子入監讀書以縣主簿用

孫傑卿唐可立陳廣業俱廩生謝德元增生陳悟朱錫範孫澤漢王元辰李重華劉克明劉兆玉冷峯一俱附生勦捻逆殉難御史

朱學篤以

聞均贈鹽運司知事卹銀七十兩祀忠義祠廕一子入監讀書以縣主簿用

劉蔭樅貢生勦擒逆殉難

贈布政司都事卹銀七十兩祀忠義祠廕一子入監讀書以縣主簿用
孫兆坤從九品勦擒逆殉難

贈鹽運司知事卹銀七十兩祀忠義祠廕一子入監讀書以縣主簿用

戴獻瑞為父母廬墓皆三年

周龍字從雲為親廬墓三年

段大鈔字明南段家疇人也世業農而信義孚於鄉擒逆至與子興潞率里人出戰自負乾餼無退志大鈔遇害子興潞亦殉

孫鷹揚字梅溪西關人也幼孤家貧事母孝及成童軀幹七尺臂帶十圍偉然修丈夫也千總姚偉見而異之收入部下為馬隊長不使鞏勒能伏怒馬弓矢進退彬彬儒雅學使徐樹銘選為武學生第一人粵逆起收皖城采石磯皆有功歸平滿家洞白蓮池游陞遊擊而無缺借補莘縣把總汎居直豫東之交素為盜藪聞孫將軍至投誠者潛化為良者歲相繼在莘食遊擊俸二十年不遷鷹揚心樂之而年已老矣屢乞休前後軍門皆不允見巡撫張曜曰鷹揚未入行伍即思效命疆場今海內肅清莘盡耕田民夜無狗吠七十歲聞身腹左兩股鉛子傷先陰雨而痛若賞假回籍就

醫省墳墓再造恩設見軍門一令箭到不敢踰片刻乃許之回牙
治裝文武僚友祖餞月餘鷹揚知不可辭乘間夜發士民追送者
踰境不止歸以壽終

孫顯堂字揚庭鷹揚族子也長身玉立精技擊雙瞳炯炯飛光射
人鄉里有不平輒訶之不聽撻無算人皆畏其猛而服其直事父
母溫和柔婉甚於處女姚偉亦收入部曰吾得兩將才粵逆據高
唐顯堂告奮勇先登城自是每戰前敵宿遷圍急自高唐七日至
賊然巨礮顯堂躍數丈火從跨下過戰曲阜破白蓮池功為最肅
清後歷黃縣招遠萊陽把總每晨興演弓馬至未而止交申則種
魚澆花習以為常所部皆精卒而牙門清閑

張復光字輝堂宣德乙未始祖宗義舉於鄉以教諭起家其後馭
歷中外世有其人所謂青揚張者是也復光城東李家疇人兄弟
九人復光居七父卒家貧與兄弟力田以養母子姪至百口復光
獨理之絲毫無私後漸饒偶得異味兄弟侍母共嘗之徧給嬰孺
以博母歡有菜數畝里中貧乏者恣採取逢令節分給鄉鄰有不
能婚嫁者周之助寒士束脩負販者予以貲本舍義阡施藥餌終
身不倦有盜其粟者役以告復光曰非我物也不取捨匪掠鄰里
二十四人復光以重金贖之籌備軍需幾於破家議敘光祿寺署
正子裕仁監生族子永昭丁卯殉難

李作功棠頭人其父沒於吉林作功乞食往尋父骨間關萬里身

負以歸

許守忠字敬臣幼好讀書以古學第一人補博士弟子援例授刑部事丁內銀自都歸遂絕意仕進辛酉寇亂義士烈媛被戕者千七百餘人守忠慮其湮沒也彙請上

聞職官晉蔭餘皆入忠義節孝祠丁卯肅清後復彙請旌

恩卹二百餘人皆捐貲獨辦而不居功城南八里莊舊橋為水所毀修築堅完設義田數畝以葬貧人守忠義舉甚多茲擇其大者言之
丁卯守城功晉四品銜膺二品封典

誥授通奉大夫子崇枚試用典史五品銜崇樞詹事府主簿崇楷從九品崇域太學生崇樾業儒

傅琳森字瑤庵年十三喪母哀毀如成人讀書覽要領不屑屑舉子業謁選得仁懷縣時石達開擾黔滇大吏飭去附城民舍寇退琳森查貧者償贖築室署普定縣多黑苗言語不通其完糧銀無弗足者吏役搜苗身得銀則攫之再搜口吐銀叩頭乞哀輒麾去與官共分之積習也琳森革其弊如額收納苗大喜署鎮甯州聞父訃粵逆梗中途大吏勸墨縲從戎不可間關萬里摩賊壘而過其繼母夢神告曰汝子無恙三日後至矣已而果然在籍辦團禦捻保鄉里服闋改江蘇理沙川廳獲巨盜署荆溪縣茶山額征倍蓰禾田每草枯野燒則損茶而征不寬民苦甚琳森據實言諸上游請待新茶長成始征再三長乃得請荆溪毗太湖通浙皖蘇三

省為盜藪琳森設船巡警水驛無恐徽商姜泉攜室赴荆營弁劉永順與同舟欲誘其室泉覺毆詈之適營帥被竊已縛蘇希相送荆溪永順曰竊者姜泉也非希相營帥如永順言檄荆溪琳森并請蘇劉使永順先據証陷狀下堂置別所訊希相畢呼賣草人工堂希相曰此即同竊之姜泉也呼泉與永順同證永順伏坐如律琳森去荆溪民置長生祿位於黃石公祠卒年七十四鄉謚惠誠子治四品銜候選主事

李廷儀廬鄉農家子遷居昌李父永安母氏石妻子俱沒辛酉捨逆至而母病凡所避之處蠅不敢近母卒葬畢奉父而廬墓食必祭日掇石燒灰擔土以築墓終喪而歸以父艱步履廷儀自製輿其身負轅以行父坐之適忽賣地為父與己斂具墓碣以餘資付父作甘旨費屬里人以後事更衣拜父曰鬼神相告兒祿盡矣徧辭鄉里終一日歡乞善視其父衆目為癡登牀卒昌李王鳳誥表其墓

焦詵桂字慕邾州學生喜讀兵書善事親和兄弟姊妹皆富家歲時珍鮮不往饋則食之不甘其篤於天倫如此鄉鄰有急者周恤惟恐後尤好青囊術自劑刀圭癰疽腐潰手親療治不厭其穢凡義舉皆為首倡禦捻逆制火器支爐自煨視鐵工尤精利時人比之稽康以累舉勞績選州同加四品銜

馬琚字君玉例貢生性明達幼讀書一涉目輒不忘鄉先生期遠

到旋以母故父年邁遂絕意進取治家有禮法且勤儉故家道因日盛同胞二人弟早亡事親以孝聞晨昏奉養頃刻不離側篤親誼凡族黨昏嫁死葬無力者胥竭力賙卹合族祠堂僅三楹承父遺囑拓其地獨力建修費二千餘緡村南赴省通衢有橋圯亦獨力改置俾寬大利行人武山有古廟每不惜重貲倡衆重修賽神時必齋祓往數十年不稍懈逢旱災祈禱輒應鄉人咸異之道光乙未丙申年大饑捐賑六百緡續捐四百金兼設賑飯飢民全活無算西鄉蝗為災州侯珊林許公主其家督鄉民捕之竭力為董率一夜忽生翼飛去而災頓減故特給勤勸善舉并心力殫施匾額旌其門修城垣聖廟萊郡考院貢院號舍莫不倡捐為衆先以及救難濟厄事難枚舉卒年六十有六會奠至數百人子四人長萬壽武庠生候選都司次元亮州庠生三萬齡武庠生候選千總四元貞太學生光祿寺署正其孫曾並有讀書成名者僉謂好義之報

馬萬壽字躋堂性孝友同胞四人以居長代親理家政故舍讀弱冠以州試冠軍遊武庠課桑麻督耕獲一身任其勞暇則究心岐黃書立志濟人厄仲弟仁時遺孤幼長者甫成童為延名師勤課讀教愛逾己子俾得成立博科名鄉里稱之好施與慷慨紹家風親族蒙體卹者甚衆凡遇災荒捐賑事輒倡首咸豐初年闔學議捐欸生息為歲科試新進規費慨捐數百緡建碑明倫堂用垂久

遠每自購良藥如法製丸散診病予之無不應手效雖乞人亦親為調治供其食愈後始遣去晚年求醫者且日衆或數十里百餘里踵接於門朝夕不憚煩有酬謝者概辭卻卒年七十有六至今遠近追思之

馬元升字晉三太學生襁褓中失怙及長事母以孝聞母于氏治家嚴先意承志事事體親心姊適州西關孫氏其家析箸後為治廬舍凡日用所需代擘畫周密更不時饋問不待母命也為諸甥延師讀迎母舅養於家且並贍其家五十餘年敬禮攸加有堂姪將謁選入都絀於貲聞之即為籌辦俾得赴任所姪孫輩赴郡省試者必助之修寺觀橋梁莫不慨出貲素善鍼灸法猝疾者昏夜叩門必急往俟平復始歸寢每年購京藥若干分施以濟人輒被所拯救同族中多賴其養贍日備食供乞丐至即分給數十年弗衰母以年邁患痰疾卧牀蓐言語不能辨每食必親奉陳甘旨於前悉心會意志代加箸以進十四年如一日由衛守府晉秩都司為母舞綵慶八旬請旌節孝得如例母歿後哀禮畢盡鄉人感德惠尤重其孝焉

曹其福安徽泗州人康熙間副貢繼母弟其貴泗州學生其貴戲撞其僚壻某之脅而某斃其福聞之奔告於泗州牧曰我殺某也其貴聞其兄之自誣也而奔告於泗州牧曰我殺某也非我兄殺之也其母聞其兄弟之爭首於堂也亦匍匐而告於泗州牧曰我

殺某也非我二子殺之也泗州牧不能理也聞諸大吏大吏亦不能理也而達諸部部坐先首者讞乃定其福充平度軍母子兄弟大哭而別攜妻劉與二女來戍妻女績以給食每日黎明起焚香祝母壽先琴後讀諸名士爭與游其福曰我戍人也不往拜其貴來省其福曰鄉味他不思唯思瓜耳後攜瓜至如新摘女一適王一適李夫妻皆九十餘無疾而終

甯貴雲甯陽人也善星相道光初來遊值歲饑分育嬰兒於龍神廟貴雲獨任之兒皆活崇德宮唐元元皇帝廟也殿宇宏濶久破漏無能修者貴雲衣道士衣兼行星相術募四方金石陶瓦材木修廟如新構知州李岱霖紀其事咸豐辛酉捻逆至貴雲憤甚與賊戰采村死之

補遺

于志湘字楚江生而和易與人無忤羣兒有鬪者解之乃樂就傳讀少儀習於家庭儼若成人弱冠為州學生好詞章學使馮譽驥舉為優行廩生潛心理學以五種遺規為主教弟子脩脯悉以供親身無私財家素封自奉齋粥有寒士所不堪者盛夏嚴寒誦讀不輟咸豐初舉制科方就試而卒士林惜之子蓮舉人安邱訓導

孫鍾滄州學生

列女

同治八年彙請旌表節孝侯焦氏等一千一百一十七又十三年彙請旌表節孝焦王氏等六十一又光緒四年彙請旌表烈女王氏烈婦孫田氏節孝李杜氏等五百八十四又光緒六年彙請旌表烈婦王馬氏節孝李劉氏等六十八又光緒七年彙請旌表節孝姜孫氏等四十二共一千八百七十三茲於十九年編輯志要又續訪

劉伶姐劉增禮女年十五字傅作舟捻逆至投井死

劉瑛姐劉方女年十六捻逆至投井死

劉閏姐劉可信女年十五捻逆至投井死

荆巧姐荆聖鳳女年十五避捻逆賊逼以行不從而死

彭媪子彭仁生女年十七字侯同志捻逆至而縊

王巧姐王茂林女年十七字張古祿避捻逆被執罵賊死

丁京姐丁元女年十七捻逆至觸石死

徐琨姐徐清禮女年十四捻逆至赴秦姑庵投火死

王秀蘭王自知女年十六捻逆掠女馬上女投厓下死賊斫女頭

任仲姐任璣女年十七捻逆至投井死

荆免姐荆璞女年十六捻逆至投河死

劉顯姐劉林集女年十六捻逆至罵賊死

王敬姐王從善女年十八任逆至投井死

史玉嫚史完德女年十八任逆至自縊

王留姐王清太女年十六任逆至投井死

劉楚姐劉希古女年十九任逆至投井死

許娥姐許文清女年十六任逆至投井死

王遂姐王敬德女年十六字張小虎任逆至罵賊死

于梅姐于洪德女年十七任逆至罵賊死

于閨蘭于德合女年十七字王文英聞文英被任逆害遂投井

曲鳳姐曲大辰女年十五避任逆賊掠之而罵刃其顱而死

陳德嫚陳琨女年十七任逆至與鄰婦避山中知不能免投巖下死

張完姐張汝英女年十五任逆掠女投地而罵賊刃其腹而死

曲明姐曲誠階女年十七任逆至避山中投巖下死

王祺姐王瑾女年十七避任逆鳳凰山投澗死

孫鶯姐孫澤厚女年十六任逆至罵賊死

楚進姐楚白玉女年十七任逆至投河死

楊明姐楊鳳義女年十六賊至投馬家溝井死

張德姐張錫朋女十六避任逆於教來山賊逼至女觸石而死其

祖母王伯母於懷抱幼女相繼投巖下死

于仁姐于兆喜女年十七任逆至罵賊死

孫小蘭孫中林女年十七任逆至女已投河賊刃女腹死

陳媿姐陳文中女年十七任逆至投井死

于巧姐于萬成女年十七任逆至萬成被虜女罵賊死

王 周女 王德温女 侯好問女 王發興女

鄒克秀女 傅立明女 崔振基女 史鳳時女

楊日康女 史鳳翰女 戴錫武女 史鳳簫女

王毓崇女 蘭雲閣女 孫堂瑁女 蘭肇維女

于好善女 劉春景女 姜學孟女 陳繼萬女

邵 介女 馬文慶女 高雲龍女 原希孔女

劉永昌女 郭振阡女 顧賡三女 王修齡女

王希和女 王泰臨女 劉錫名女 劉湖烈女

王繼周女

盧胡氏盧錦室胡德全女擒逆至罵賊死

馬宗氏馬廣友室宗漢女與子和禮室侯氏同罵擒逆死

李吳氏李宗德室吳希孔女罵擒逆死

孫梁氏孫維崇室梁三仕女擒逆至投井死

王孫氏王錫智室孫希俊女擒逆至投井死

王徐氏王錫勇室徐希崇女擒逆至投井死

李于氏李紹先室于成女紹先與擒逆戰沒氏觸車輪而死

王馮氏王錫三室馮廷琳女擒逆至投井死

丁張氏丁香仙室張勤女香仙與擒逆戰沒氏與小姑京姐觸石

死

王姜氏王錫侯室姜步瀛女捨逆至投井死
王傅氏王中科室傅吉雲女捨逆至投井死
王提氏王明允室提元善女捨逆至與三子一女俱死
徐王氏徐清仁室王天球女避捨逆至盤石觀投井死二子亦死
任曲氏任世瑞室曲春源女捨逆至投井死
荆辛氏荆所南室辛居正女捨逆至與子俱死
萬王氏萬洪鈞室王欽龍女罵捨逆死
溫彭氏溫京玉室彭喜順女捨逆至夫被虜氏投井死
王魏氏王元烈室魏清芳女捨逆至投井死
冷張氏冷鵬越室張觀輝女捨逆至抱女投井死
劉碩妻徐氏劉希妻陳氏捨逆並脅以行徐陳同投溪中水淺苦
不得死賊曰持矛上則生徐陳大罵賊以矛刺之姊姒相抱死
王徐氏王殿選室徐顯章女罵捨逆死
解徐氏解吉雲室徐宗平女罵捨逆死
王溫氏王自良室溫爾芳女罵捨逆死
冷張氏冷鵬偉室張思女捨逆至抱子攜女投水死
荆姚氏荆璞室姚宗聖女其女被虜投河氏罵賊死
劉李氏劉芳室李秉乾女避捨逆與女俱死
蘭王氏蘭玉賓室王啟俊女罵捨逆死
賈任氏賈元貞室任世瑞女罵捨逆死

李陳氏李育珍室陳孔卓女捨逆至自縊

戴荆氏戴千載室荆元善女聞夫死捨逆遂投井

方李氏方開基室李大發女捨逆至乞夫先逃遂自經

于孫氏于清麟室孫文臧女罵捨逆死

羅張氏羅法孟室張希堯女捨逆殺其七歲子夫亦傷氏大罵而死

盧尹氏盧中英室尹成德女罵捨逆死

劉馬氏劉福傑室馬清雲女捨逆至投井死

趙孫氏趙盛林室孫珠女與夫俱劫於捨逆氏乞放夫還乃罵賊投火死

張侯氏張典室侯觀玉女捨逆殺典氏投井

魏劉氏魏廷美室劉振先女捨逆至夫婦同殉

郭于氏郭繼祚室于洵女罵捨逆死

蒲王氏蒲元禮室王發祥女捨逆至投井死

王崔氏王法孟室崔道增女罵捨逆死

譚于氏譚法宗室于盛德女捨逆虜其夫與父氏投井

李趙氏李紹室趙宗堯女罵捨逆死

崔王氏崔澤室王會文女罵捨逆死

孫任氏孫可貴室任文會女捨逆至夫婦同殉

溫張氏溫景禮室張學孔女捨逆害其翁氏與其二嫂同投井

溫耿氏溫景聖室耿長清女捨逆害其翁氏與姊姒同投井
溫劉氏溫景信室劉鳳巢女捨逆害其翁氏與姊姒同投井
戴劉氏戴紹緒室劉卓女捨逆至而縊

陳萬氏陳兆祿室萬雲岫女罵捨逆而死

盧潘氏盧永清室潘福順女任逆至氏以身障促夫逃罵賊而死
蘭傳氏蘭中玉室傳振綱女任逆至促夫與子逃而縊

禚張氏禚克溫室張攸同女罵任逆死

王李氏王龍德室李茂臣女罵任逆死

禚郭氏禚洋室郭鎮沂女任逆至禚氏戰而死者五人氏罵賊死

紫荊山前某氏婦入城避賊至柳行頭與夫相失抱子投灣死

王李氏王藹吉室李伯玉女任逆至夫婦同殉

姜周氏姜百川室周偉臣女任逆抱嬰兒與夫同殉

劉楚氏劉布古繼室楚銘新女任逆害其夫氏投井

王張氏王道生室張傳心女任逆至抱女觸石死

王溫氏王吉室溫武女任逆害其夫氏投井

胡何氏胡保生室何殿奎女罵任逆死

于史氏于星光室史天成女罵任逆賊破其顱

耿羅氏耿振升室羅中信女任逆至投井死

楊于氏楊聖澤室于長太女任逆至氏罵賊蹈刃死

呂張氏呂鳳周室張昇平女任逆至投井死

于江氏于士寬室江潭女罵任逆死
畢王氏畢殿奎室王訓女罵任逆死
解李氏解世榮室李珂女罵任逆死

張于氏張錫九室于輓女任逆至姪德姐姐王氏死氏抱女投巖
下死

孫馮氏孫師武室馮玉女入山避任逆投澗死

姜王氏姜德交室王鳳友女罵任逆死

王官氏王清舉室官繼平女罵任逆死

于張氏于兆喜室張堯臣女任逆至女仁姐死氏投井

于宿氏于平章室宿鳳彩女任逆至投井

王李氏王藹吉室李伯玉女任逆至夫婦同殉

同罵賊死

祝王氏祝延年室王福女罵任逆賊破其顱

劉張氏劉述千室張珂女任逆害其夫氏縊

賈李氏賈壽室李功女夫與任逆戰棠頭遇害氏縊

姜王氏姜廷祥室王欽龍女任逆害其夫氏抱嬰兒罵賊死

孫陳氏孫道清室陳繼昌女避任逆鳳凰山翁與夫俱死氏殉

徐澤芳妻唐氏

孫毓瑤妻趙氏

黃金式妻李氏

韓有智妻陳氏

牟士邦妻李氏

宋自正妻張氏

劉煥柱妻官氏

趙坤妻米氏

劉灼妻徐氏

孔廣榮妻李氏
孫文炳妻王氏
閆明選妻王氏
任世典妻崔氏
王法興妻孫氏
郭興萊妻鄧氏
劉福盛妻王氏
王發興妻孫氏
賈欽妻徐氏
曲太和妻高氏
史鳳柱妻王氏
賈振盛妻戴氏
吳秉松妻萬氏
楊叢雲妻盛氏
崔振型妻甯氏
陳桓妻張氏
王中科妻傅氏
崔永賢妻劉氏
王錫侯妻姜氏
崔延壽妻李氏

李華妻焦氏
王循南妻吳氏
于宗立妻趙氏
孫海生妻李氏
郭繼祚妻于氏
劉中炬妻陳氏
張雲龍妻王氏
李林業妻傅氏
鄒道誠妻崔氏
史鳳時妻張氏
史鳳嵐妻賈氏
吳秉坤妻高氏
楊誌盛妻劉氏
崔振俗妻王氏
祁文忠妻孫氏
崔振邦妻房氏
崔世錫妻李氏
王錫三妻馮氏
崔吉魁妻李氏
王錫智妻孫氏

苟中炬妻李氏
歐明哲妻呂氏
謝廷獻妻魏氏
任世元妻李氏
王鎮南妻傅氏
張瑞雲妻孫氏
李希業妻崔氏
崔振寬妻甯氏
史鳳簫妻劉氏
張慶雲妻孫氏
吳秉滋妻張氏
史如金妻甯氏
徐琛妻張氏
楊皆昇妻李氏
崔繼漢妻姜氏
崔吉祖妻李氏
王明允妻提氏
崔敬堂妻氏
王錫勇妻徐氏
崔吉壽妻李氏

咸克仁妻李氏

崔文若妻李氏

萬廷選妻王氏

萬子秀妻李氏

戴連珍妻王氏

萬臘月妻王氏

李雨妻胡氏

王福金妻唐氏

紀江亭妻萬氏

王希彥妻魯氏

紀進亨妻王氏

王成訓妻于氏

張光先妻賈氏

王思訓妻李氏

徐志愷妻王氏

李希祿妻劉氏

毛元恂妻王氏

萬立增妻毛氏

蘭雲升妻孫氏

解吉雲妻徐氏

紀永仁妻翟氏

蘭克誠妻于氏

紀貞禮妻劉氏

蘭雲岫妻顧氏

徐志均妻趙氏

蘭雲霞妻劉氏

蘭雲閣妻郭氏

孫訓妻戴氏

蘭肇維妻于氏

崔天壽妻李氏

萬肇訓妻呂氏

王升利妻胡氏

王升亨妻姜氏

王文金妻黃氏

王士乾妻呂氏

荆風遠妻李氏

王福公妻姜氏

荆奎顯妻朱氏

王福仁妻韓氏

荆奎先妻李氏

陳廉誠妻鍾氏

王兆升妻朱氏

陳廉升妻國氏

王兆銑妻李氏

陳廉科妻王氏

王永昌妻汪氏

郝士信妻孫氏

蘭肇勤妻孫氏

蘭肇彥妻趙氏

戴裕業妻楊氏

蘭肇林妻董氏

王鳳池妻國氏

劉振奎妻祝氏

李天來妻孫氏

鄒道誠妻崔氏

高雲和妻張氏

張慶雲妻孫氏

劉春田妻陳氏

周崇妻于氏

王卓彥妻劉氏

董樂亭妻孫氏

王好彥妻李氏

原彰善妻楊氏

劉含章妻于氏

原誠法妻任氏

劉含光妻杜氏

劉象龍妻車氏

王智生妻曹氏

顧益三妻李氏

張登雲妻王氏

王繼先妻顧氏

耿龍江妻孫氏

顧賡三妻陳氏

任世瑞妻曲氏

夏元福妻朱氏

賈元貞妻任氏

夏汝敬妻程氏

任世德妻劉氏

程殿奎妻夏氏

任世友妻蕭氏

李鳳妻劉氏

任連科妻傅氏

李志仁妻郝氏

任世儉妻蕭氏

王藹吉妻李氏

李還寶妻任氏

朱夢詢妻呂氏

姜統恩妻任氏

朱景雲妻蕭氏

任宗考妻蘭氏

朱步雲妻傅氏

朱天眷妻于氏

姜學孟妻顧氏

朱人兆妻翟氏

姜殿揚妻張氏

朱廷瑁妻王氏

于元祺妻馬氏

朱鴻道妻姜氏

荆善學妻陳氏

朱守謙妻穆氏

荆有朋妻楊氏

太學生朱泉南妻潘氏

周成仁妻劉氏

姜 幽妻劉氏

荆玉官妻劉氏

劉克茂妻徐氏

荆玉簋妻翟氏

姜學舜妻劉氏

邵 珂妻許氏

劉永興妻楊氏

張立鑑妻李氏

劉乾德妻生氏

張清昌妻冷氏

劉升先妻王氏

張振常妻戴氏

張立鈔妻初氏

劉文舉妻林氏

張承茂妻冷氏

史溫祿妻溫氏

劉 良妻相氏

張錫祜妻李氏	楊志升妻劉氏	張承珩妻石氏
葛元禮妻劉氏	張承化妻劉氏	王德沈妻陳氏
張錫祿妻王氏	邵喜祥妻王氏	張錫祉妻王氏
王德洵妻張氏	劉君卿妻王氏	劉堯妻王氏
胡延堂妻徐氏	孫永成妻王氏	張為仁妻任氏
王經會妻呂氏	王立塾妻李氏	王作仁妻李氏
王立廷妻郭氏	王明和妻姜氏	王立封妻孫氏
王福和妻李氏	孫耀玳妻楊氏	王方澤妻李氏
侯文耕妻程氏	王立基妻李氏	孫桂林妻李氏
侯明圖妻齊氏	王繼周妻劉氏	張殿中妻徐氏
王延善妻劉氏	王俊妻許氏	王占允妻宿氏
張啟坤妻郭氏	王福來妻孫氏	王元灼妻劉氏
王鳳翔妻汪氏	管毓瑚妻姜氏	王含彩妻李氏
韓本禮妻許氏	孫錫永妻李氏	遲漢傑妻孫氏
孫同妻傅氏	遲鳳章妻逢氏	蕭文寬妻苗氏
王毓梓妻魯氏	蕭承合妻顧氏	張光耀妻董氏
韓世音妻單氏	蕭重明妻傅氏	蕭蘭溪妻孫氏
韓智妻黃氏	李嘉平妻顧氏	韓碩妻王氏
韓丕德妻朱氏	牟欽祥妻侯氏	毛遵先妻韓氏
韓襄妻王氏	韓希曾妻蔡氏	王紹同妻劉氏

王從德妻毛氏	劉錫政妻冷氏	荆錫文妻劉氏
王振綱妻孫氏	荆朔南妻辛氏	冷會遠妻徐氏
于天儀妻任氏	冷書文妻徐氏	張廷芳妻傅氏
冷仁南妻張氏	劉錫妻張氏	冷義南妻李氏
王利瑤妻魏氏	冷禮南妻戴氏	崔春果妻姜氏
冷知南妻張氏	黃文學妻高氏	冷信南妻王氏
黃錫三妻逢氏	冷光遠妻初氏	冷明遠妻趙氏
高玉泉妻陳氏	冷智遠妻王氏	王雪妻尚氏
冷道南妻葛氏	冷德南妻孫氏	侯光縉妻王氏
冷振社妻陳氏	紀福鐸妻范氏	李德峻妻周氏
劉克省妻徐氏	冷玉椿妻周氏	史鳳元妻劉氏
孫上連妻戴氏	耿龍光妻孫氏	王世功妻戴氏
王文光妻胡氏		

新城縣王烈女明崇禎壬申孔李之變賊自新城虜王氏女年約十六七屢犯不從脅驅至州之新河東岸復逼之女大罵賊怒以利刃自女胸門劈為兩挂龍王廟槐樹上賊去老人孫某收女骸葬之立碣志其烈

大毛王氏北大官莊王平南女也平南業農字女於三舉毛氏子鳳齡道光乙未饑時女年十一隨父母與襁中弟壽福逃食瀋陽居十三年父母歿父友陳應棘收女與壽福養之而賣女於姜得

全女不從鞭女女曰父命不可違若令歸毛生死不忘矣應棘怒
與妻共縛女棉塞口烙兩脅鉗拔手足甲盡脫抽掣之不從鎖冷
廡上餓數日後以美味進曰從則食否則死終不從毆折股幽如
故保定鄭齊澠縣郭玉堂宋兆蘭皆平南友也聞之極恚尋應棘
不遇犬曳至廡下聞內有聲窺之女也毀門救女出三人代鳴於
承德令興泰三判不得直兆蘭囊竭於訟病目盲旬於市女曰胡
為以一身累他人及再訊袖刃不跪興叱以無禮女曰忠臣不二
主良女不二夫逼女更夫者非忠臣奚禮焉出刃自屬頸血併流
興愕異知女志救不死遽反前判而慮女無依女白族叔所交僑
居北新城願託焉興賚女錢判牒護南歸諭所交善視女是時女
名噪沙漠間豪族有動以言者女却之而所交效應棘虐益甚幸
遇女族叔春有夫婦皆良善取女養於家所交多方覬覦女恆以
刃自衛有孫錫選者將南歸女作書乞寄其胞叔正南與外祖李
法道來迎己初平南在時數寄書於正南促毛婚正南吞兄產則
焚兄書使鳳齡別娶亦王氏既生子矣女書至又焚之法道向正
南索女書卒不得族人九德之助令其孫月松往迎女正南亦
急往將與所交共謀也幸後月松至謀始沮女乃奉父母柩偕弟
南還時為己酉春陸行兩閱月蓬垢不櫛沐晝夜危坐靈車上未
嘗一憩旅邸以父母風霜中不忍離也抵家後正南不歸兄產女
嘗備身女塾諳字義矚得析爨書並券契告族眾曰叔恩豈敢忘

叔即父母也吾即叔女也壽福即叔子也叔向所鬻產何忍問再
割數畝酬叔勞餘為壽福奉祀婚娶計葬親後正南謀醜壽福女
覺之不言於人備壽福遠避之而乞其外祖與鄰父老求歸毛毛
不納女曰彼所難者嫡庶耳但納我婢不辭否則違我父母命無
以對鄭郭宋三君更何以對興公及鄰里尊幼哉衆屢往終不納
女曰果爾我將鳴諸官若判離吾有死耳始納女入門糟糠井曰
心無怨視子如己出以嫡讓王氏王氏抗不禮奴畜女恆撻詈薪
飲食啖鳳齡扼女吭幾死女族叔風南憤率戚族往女急曰叔等
毋氣激女病顛訛言外聞初無扼吭事也壽福迎姊歸見姊傷哭
慰問女曰事誠然若聽衆所為速余禍矣毛家不情實余命挾之
使不敢何若感之使不忍哉風南嘗往借器什女匿餐於釜風南
賺女出潛視之糠與灰滓也歸語其妻媿以糧而問之曰爾家小
阜縱食糠何加灰為對曰糠難飪焙研瀹以水幸下咽藉一飽耳
後再餽堅不受咸豐辛亥春舉一子王氏益忌使鳳齡殺女且以
鹽實兒口女救甦亦不聲謹防之而已四月食嘉鱸魚鳳齡與王
氏不供其親而自食女出績貲勸市魚進翁姑鳳齡受錢不行女
婉規之王氏遂大譁共箠女拉脅鑿齒醜且勒之誣不謹而自縊
并殺子正南得賄不問壽福與族叔圖南發其事踰歲不得直遂

叩

閩攜里人白玉堂觀察所梓女宗實事錄一冊與狀並呈步軍統領

以

進圖南壽福入獄越數日一人入問曰爾等何事入獄俱告之又問
僅狀詞乎曰有實事錄又問錄中語憶之乎又俱告之其人去獄
吏曰爾危矣來者張內監也翼日

命下奉

上諭查大毛王氏以窮檐弱女秉性貞烈屢經折磨矢志靡他洵堪嘉尚
著山東巡撫李德親提嚴訊倘有虛誣或別經發覺定當提京來問欽
此李德一訊即昭雪王氏斃杖下而不欲興大獄乃為女白其冤

敕旌建坊

牟烈女者辛安人也為城內李氏婢李嫁女於東關戴以牟媵焉
後以事之李天大風寒日又薄暮李止牟毋行牟對曰如不歸我
姑懸懸也遂去行至東馬道有戴隣李二尤者來犯以言牟怒不
顧疾出東門趨僻巷行以路近可遽歸也二尤見巷無人也又突
至觸其手牟急呼二尤遁牟哭而歸曰二尤侮我我不可活矣姑
不以婢子視我姑又有疾沒世事姑是素心也今已矣趨而出投
井死戴鳴諸官置二尤於法聞於

朝旌曰烈女

孫烈女孫甲之女也甲家貧女出汲某見而慕之使媒買為妾甲
懦心不願無以拒也甲妻謂媒曰我雖貧舊族也不能賣女求生
活某嫉人誣甲博官甚惡博初甲通衢一日某過之見甲偽驚曰

汝何受官刑且憔悴至此也甲告以故某偽憤嗟所以慰藉甲者良殷贈錢四緡而去逾數日又過之偽驚曰汝尚未釋乎又贈二緡甲不知某計感某甚某又使媒至甲家告甲妻曰爾夫博官繫之爾又貧無以供飲食微某屢贈爾夫錢不枷死久餓死矣誰有似某之仗義也者爾若諾前言爾夫釋矣甲妻方沈思女悟曰誠如爾言我何惜舍身救我父然必某先釋我父我方歸之不然不能也媒曰爾父釋爾母又不願將奈何女曰是在我也我不去我父不能強我去我母不能留也爾何慮媒告某甲釋而歸女悲且喜喜且悲侍父母談竟夜黎明甲夫妻倦而寢女縊

崔烈女林家村崔凌雲女也幼聰慧耕耨之暇其父教以讀書寫字略識大意辛酉亂凌雲禦賊死女與寡母居克承歡心字蓼蘭焦生旣而其母悔之欲背盟女謂母曰富貴貧賤兒命也從一而終婦道也母知女志不可奪遂不令女知絕焦婚而更字焉女聞之蹙然曰一女而字兩家人其謂我何我豈陷身於不義而遺母以惡名乎遂自經

崔烈女監生崔松芳女字州學生馬俊升子觀賢觀賢故女聞訃而縊

喬貞女昌邑人幼聘於孫鎮夏氏子夏父亡家日落子又失明子母使媒往辭婚女不可夏子貧且盲不能親迎遣車往而自磨麵聞女至磨益力渴甚吸新汲水而暴亡兩姓皆勸女返女不可夏

母得女若忘其子之死迨夏母死女亦死

劉兩姐劉兆芳女字孫二珠未娶二珠亡女聞訃縊

梁蕭姐梁思恭女字于揚忽遭謗言女縊

崔許氏武舉許廷相女孫從九慶貴次女幼嫻姆教言笑不苟氏胞姊為德州訓導崔知載亡子孝廉方正怡善冢子壽彭婦知載聞女賢為壽彭弟壽昌娶之氏之歸壽昌也姊有子而寡賴氏勸導之同慰孀姑張氏心故知載無內顧憂未幾壽昌病侍湯藥逾歲無倦容及卒哭謂其姊曰姊子我子也遂入室聲轟然姊與姑驚視之已飲醜仆矣及為易衣見女肱露骨不知何時割肉入藥餌也

烈婦張氏募蘭鄉人張吉雲女焦景元妻也年十九歸景元居數載景元逝遼東氏惟與幼子居家赤貧恆累日不舉火然未嘗乞貸於人有惡少懷食物往餽之氏投於門外惡少遁氏痛人之入其室也夜自經

江潘氏儒童江慶恩妻監生潘明德女十九歲于歸既而夫故氏視舍殮後欲自經其翁姑勸之曰即依爾志亦宜葬爾夫而後行實不忍其死也送葬歸與之食弗食與之藥弗飲越十三日而卒劉李氏泥河頭劉樞妻歲貢生李文煜女幼承父教勤儉治家事年十七歸樞鍼黹備佐讀交相敬戒二十而樞沒事翁姑婦盡子職生養死葬皆如禮立嗣承大宗以地入家廟備祭器劉氏族呈於

官無失墜恤其夫弟梯貧而無子與地數畝使贍其老御史林慶貽以

聞

教旌建坊

王耿氏王允舒室允舒沒氏得遺腹子維源以綿宗祀苦守六十年而卒

王孫氏大營王鳳舞妻洎子孫瑞女鳳舞故氏年二十九痛不欲生繼思身為冢婦不可以絕大宗乃取其夫弟之子思聰為嗣恩勤教育家道日康光緒四年旌

官李氏官茂田室也幼從其父州學生蟠木教頗知書及嫁敬相茂田處貧而樂而茂田以心疾飲醜卒氏鞠遺女日聞家人詬誶聲不與校嫁女後茆茆四壁日無兩餐其弟熙明顧恤之則得一飽鄰里敬而周之皆謝不受白髮盈頭無燈夜績戚族婦孺不識其面

官王氏王政和女官望立室也年十九于歸二十一歲夫故子亦天家無寸田翁姑嗣子惟氏十指是賴翁歿嗣子出外不歸姑又卧病轉側需人親鄰憫其貧窶餽以甘旨先祭翁木主始進於姑日采薪捋菜手攜一炷香香燼則返省其姑問饑渴進飲食每出皆然如是者六十餘年卒

姜張氏紅山濠州學生張文晉女也幼從父教熟九經解大義文

晉擇壻得州門西姜旭東而歸之時比伯鸞孟光及寡惟為蒙童
寫書日得百錢以自給功總至戚不識其面

吳馬氏儒童吳騰雲室恩貢生馬樵女也幼從父教以孝聞年十
六歸吳事翁姑如父母騰雲歿訓諸孤慈而嚴命長與季力田仲
子均政讀書為州學生家漸裕愈勉以勤儉年七十九卒光緒五
年旌表

王吳氏王乘龍繼室吳鳳竹女也年十九歸王而乘龍故撫前室
子泰運如己出保護二十餘年納子婦劉氏亦賢得孫鳳和泰運
又故熒熒兩嫠同撫孤雛吳年七十七而終劉謹守姑訓教子成
立

焦馬氏廩生焦步鴻妻州西南關州學生馬陞德女二十五于歸
二十七夫故守節四十六年卒

于許氏州學生許延佶女監生于紹文繼室也前室遺女及笄氏
愛如己出紹文沒女以哭父病年餘不瘳氏亦病甚及女卒強起
視殮仰天呼曰我為于氏畢矣屬嫂善視嗣男而歿

張曹氏張珂妻庠生曹範女十七于歸而珂死無胞兄弟氏為翁
納妾生子取叔所生之子來賓為己子綿張氏將絕之緒氏誠知
大體者矣

尚官氏尚應周妻太學生官永年女永年治家嚴氏善承父志年
十七于歸事翁姑甚謹應周故遺孤夢雲方三歲其姑又歿氏大

慟曰何昊天之不佑也哀毀甚遂嬰痼疾卧牀蓐十餘年始杖而能行氏伺翁經方讀書偶倦則進甘旨子夢雲監生孫榮梓布政司理問榮棣貢生慶翰州學生氏以長孫貴為太安人以先姑服未備屬勿以命婦服殮卒年七十六得旌如例

戴姜氏戴均寬妻均寬亡其父母相繼歿氏哀傷而死

石楊氏石元祿妻元祿早亡家貧紡績事翁姑翁姑沒氏悲哀而卒

侯孫氏侯好德妻孫宏績女好德禦逆殉難氏紡績養其翁者二十餘年繼夫弟子為嗣

王孫氏王家棧妻孫文閣女年二十夫歿以伯氏襁褓子龍章為嗣氏事衰姑以孝聞龍章遵母教以善行著於鄉

馬崔氏馬增暉室崔元輝女于歸月餘而增暉亡取夫弟子為嗣孫綦氏廩生孫傑卿室拔貢生綦繡千女傑卿殉難曰未亡人不即從者以翁姑在也其伯飛卿仲子蔭橋生甫匝月氏即抱去鞠之如己出廕雲騎尉

官馬氏官登雲妻登雲丁卯殉難氏送往撫孤克承夫志

侯傅氏侯尚論室傅國佐女夫故無翁姑子女斂畢而殉

王姜氏王鳳臺室姜凌雲女夫故不食以殉

于石氏于瑞室石文成女夫故慟哭而殉

李周氏李德俊室周大文女夫故而殉

周欒氏周中式室夫故而殉

張孫氏張同軌室孫光思女夫故而殉

孫宗氏孫士武室夫故而殉

官李氏官寅和室李如倫女夫故而殉

徐郭氏徐慶元室郭熙女夫故而殉

于戴氏于俊魁室戴錫侯女夫故而殉

姜張氏姜學通室張澤欽女夫故而殉

金李氏州學生金鴻藻室李信女夫故而殉

石衣氏石方修室衣魁元女夫故而殉

陳張氏州學生陳鴻錫室萊陽張壘女夫故而殉

張趙氏張顯德室趙功女夫故而殉

鄭傅氏鄭明通室傅相周女夫故而殉

趙曲氏趙岳章室掖縣曲福德女

冷王氏冷兆曙室

戴姜氏戴喜盛室

崔張氏崔廷標室歷城張學奎女

徐王氏徐光深室王爾壽女

王徐氏王振舜室徐登仙女

陳焦氏陳錫九室焦受叙女

王馬氏王培化室馬衆林女子錫嘏錫褒州學生錫巖府學廩生

錫均從九

王孫氏王瓚妻孫宗文女

王江氏王珠妻江鑑女

戴馬氏戴書妻馬勳女

馬劉氏馬彭年妻武學生劉靜川女

孫張氏孫錦芳妻張宗琳女

段王氏段興沆妻王鳳曉女

李宗氏李錫田妻宗灝女

李林氏李金堯妻林玉亭女

張王氏張振仁妻王殿芳女

張王氏張秉仁妻王丕勳女

楊閻氏楊福澤室閻修德女

毛王氏毛玉桐室王繼善女

潘王氏潘世方室王紹女

官姜氏官耿光妻姜若松女

官李氏官承圭妻李永芒女

陳官氏陳希孟妻官龍光女

侯彭氏侯紹禹妻

曹辛氏曹振常妻辛成泰女

曹耿氏曹麟閣妻耿文漢女

李馬氏李青雲妻馬檢女

王官氏王煒妻官元禮女

王趙氏王灼妻趙燦女

王姜氏監生王鳳城妻姜凌雲女

王宗氏監生王鳳臺妻宗凌九女

郭魏氏郭成俊妻魏呈秀女

劉紹氏劉廷錫室紹鳳林女

劉李氏劉克和妻李天叙女

李張氏李德先妻張士賓女

劉王氏南厓劉曰颺室北大官莊王圖南女

王雲亭妻蕭氏年二十于歸事翁姑以孝聞夫故取仲氏子得壽為嗣飲食教誨如己出紡績得資輒分甘以予諸姪祭祀必豐潔臨終屬子孫謹守家禮咸恪遵無敢違也卒年八十三歲

王保清之妻崔氏年十八歲于歸氏翁銓以進士官赤城隆德等縣知縣諸姊妹皆從之任而氏憚遠行且性甘淡泊居家以紡績為業粗衣糲食見者不識為宦家婦及翁致仕歸見其勤樸一如寒素歎為賢婦者久之夫保清遺一子名雲龍養而兼教如有小過即譴訶不少貸咸欽其家法之肅年八十二以壽終

張中和妻徐氏于歸後翁姑俱歿惟祖翁在堂舉一子而中和故養事俯畜五十餘年

陳周氏陳榮洙妻周之典女年十六歸于陳事翁姑如父母氏年二十三榮洙鄉試自濟南歸而病百藥罔效五閱月而歿氏鞠育嗣男無異所生長齋禮佛不茹葷酒今年將八十所用布衾猶嫁時物子孫歲請易不受也光緒元年旌

生王氏高郭莊王曰球女也沙溝生顯文為其子又發聘之又發就傳而有疾百藥罔效年二十矣時曰球已故顯文使女兒學古探女意女曰父所命天所命也又何言生氏遂取女歸及入門同室異牀飲食藥餌身任之九越月而又發歿取其叔之子為嗣

傅徐氏傳來廷妻徐樸女生一女而來廷故氏欲殉其父曰舅姑在室幼女在抱汝不可死氏繼子不能讀使耕家日殷實

戴傅氏戴成妻傅振魁女幼熟孝經歸戴舉一子而夫故養舅姑代父教戚族賢之

陳煥章妻杜氏

徐女者灰埠徐鳳樓女也字掖縣孫氏子年二十一歲孫氏子病天父母不以告久之有議婚者其母乃告之女聞之改容涕出不食者累日諸母及姑姊妹勸之女誓益堅乃徧囑家人防守之覓一嫗為伴朝夕弗離會母病且彌留膠俗婦人多信瞽瞍曰有喪哭聲厭之疾當愈女聞知謂其妹曰母病亟矣母死弟妹皆弱誰與依我久辨一死今得之矣妹善事吾母勿多言其夜給嫗出自縊而死面如生既斂諸母及姑姊妹至柩下輒颯然有風起迎送

不愆訃於孫氏合葬焉柩行陰風復先後之至壻家風先入捲塵
舉幕厯堂室厨竈殆遍若周視焉既定風乃止

王于氏辛安村人父榮堂世業農字女於臺頭村王成信之三子
太和十八歲于歸五年而太和平氏無子一幼女旋傷夫黨甚之
改適窘迫萬端氏以死自誓姑楊氏瞽且病痺氏奉侍十年以孝
聞姑卒所遇益艱母黨為申理乃析炊以居力勤操作節紡績之
資置田數畝餘資百餘緡藏弗用或問之曰吾茹苦半生將俟終
吾節而傳吾名也光緒癸巳年六十九繼伯氏子為嗣出其資立
碑於夫之墓道宗人于蓮為之銘曰士不好名忝所生女也好名
完其貞三代而下名匪輕視此片碣山石青



